
RICHY and *SANDY*,
A
PASTORAL

On the Death of
Mr. Joseph Addison.

By *ALLAN RAMSAY.*

RICHY.



Hat gars thee look fae dowf, dear *Sandy* say,
Chear up dull Fallow, take thy Reed and play,
My Apron Deary, — or some wanton Tune,
Be merry Lad, and keep thy Heart aboon.

SANDY.

NA, Na! It winna do! Leave me to mane,
This aught Days twice o'er tell'd I'll whistle nane.

RICHY.

W O W Man, that's unco' sad, — is that ye'r Jo
Has ta'en the Strunt? — Or has some Bogle-bo
Glowrin frae 'mang auld Waws gi'en ye a Fleg?
Or has some dawted Wedder broke his Leg?

A

SAN;

S A N D Y.

NAITHING like that, sic Troubles eith were born!
 What's Bogles, — Wedders, — or what's *Mausy's* Scorn;
 Our Loss is meikle mair, and past Remeed,
E D I E that play'd and sang sae sweet is dead.

R I C H T.

D E A D sayst thou, Oh! Had up my Heart O *Pan*!
 Ye Gods! What Laid ye lay on feckle's Man,
 Alake therefore, I canna wyt ye'r Wae,
 I'll bear ye Company for Year and Day,
 A better Lad ne'er lean'd out o'er a Kent,
 Or hound a Coly o'er the mossy Bent;
 Blyth at the Bought how aft ha we three been,
 Hartsome on Hills, and gay upon the Green.

S A N D Y.

T H A T's true indeed! But now thae Days are gane,
 And with him a' that's pleasant on the Plain,
 A Summer Day I never thought it lang
 To hear him make a Roundel or a Sang.
 How sweet he sung where Vines and Myrtles grow,
 And wimpling Waters which in *Latium* flow.
Titry the *Mantuan* Herd wha lang finfyne
 Best sung on aeten Reed the *Lover's* Pine,

Had



Had he been to the fore now in our Days,
 Wi *EDIE* he had frankly dealt his Bays :
 As lang's the World shall *Amaryllis* ken,
 His *Rosamond* shall eccho thro' the Glen ;
 While on Burn Banks the yellow Gowan grows,
 Or wand'ring Lambs rin bleeting after Ews,
 His Fame shall last, last shall his Sang of Weirs,
 While *British* Bairns brag of their bauld Forbears,
 We'll mickle miss his blyth and witty Jest
 At Spaining Time, or at our *Lambmas* Feast.
 O *Richy*, but 'tis hard that Death ay reaves
 Away the best Fouck, and the ill anes leaves.
 Hing down ye'r Heads ye Hills, greet out ye'r Springs,
 Upon ye'r Edge na mair the Shepherd sings.

R I C H T.

T H A N he had ay a good Advice to gi'e,
 And kend my Thoughts amaist as well as me ;
 Had I been thowless, vext, or oughtlins sow'r,
 He wad have made me blyth in haff an Hour.
 Had *Rosie* ta'en the Dorts, — or had the Tod
 Worry'd my Lamb, — or were my Feet ill shod,
 Kindly he'd laugh when sae he saw me dwine,
 And tauk of Happinefs like a Divine.

Of ilka Thing he had an unco' Skill,
 He kend be Moon Light how Tydes eb and fill.
 He kend, What kend he no? E'en to a Hair
 He'd tell O'er-night gin nieft Day wad be fair.
 Blind *John*, ye mind, wha sang in kittle Phrase,
 How the ill Sp'rit did the first Mischief raise;
 Mony a Time beneath the auld Birk-tree
 What's bonny in that Sang he loot me see.
 The Lassies aft flang down their Rakes and Pales,
 And held their Tongues, O strange! To hear his Tales.

S A N D T.

SOUND be his Sleep, and fast his Wak'ning be,
 He's in a better Case than thee or me;
 He was o'er good for us, the Gods hae ta'en
 Their ain but back, ——— he was a borrow'd-len.
 Let us be good, gin Virtue be our Drift,
 Then may we yet forgether 'boon the Lift.
 But see the Sheep are wyling to the Cleugh;
Thomas has loos'd his Ousen frae the Pleugh,
Maggy be this has beuk the Supper Scones,
 And nuckle Ky stand rowting on the Lones;
 Come *Richy* let us truse and hame o'er bend,
 And make the best of what we canna mend.

F B I S.



